

玉

海

七十八

玉海卷第一百五十七

浚儀王應麟伯厚甫

富室

宮三

唐太極宮

西內

承天門

紀高祖武德元年五月甲子即皇帝位于太極殿

隋本

之大興殿今以帝即位改為

太宗貞觀三年四月甲午始御太極

殿

舊紀甲子始於太極殿聽政

地理志上都皇城長千九百一

十五步廣千二百步宮城在皇城之北長千四百四

十步廣九百六十步周四千八百六十步其崇三丈

有半龍朔

高宗

後皇帝常居大明宮乃謂之西內神龍

宗元年曰太極宮

禮志大祭祀致齋太極殿蕃國

主來朝皇帝親征皇帝皇太子加元服皇帝納后皇

太子納妃皇帝元正冬至受羣臣朝賀臨軒冊皇太

子皆設御幄于太極殿皇帝藉田還明日班勞酒于

太極殿

六典宮城在皇城之北南面三門中曰承

天東曰長樂西曰永安

承天門隋開皇二年作初曰廣陽門仁壽元年改曰昭陽

武德元年改順天

神龍元年改承天若元正冬至大陳設宴會赦過宥

罪除舊布新受萬國之朝貢四夷之賓客則御承天

門以聽政

蓋古之外朝也

其北曰太極門其內曰太極殿朔

望則坐而視朝焉蓋古之中朝也隋曰大興門大興

極門武德元年改太極殿有東西次北曰朱明門左

上二間門東曰廊左右延明二門

曰虔化門右曰肅章門肅章之西曰暉政門虔化之

東曰武德西門其內有武德殿延恩殿又北曰兩儀

門其內曰兩儀殿常日聽朝而視事焉蓋古之內朝

殿正觀五年改為兩儀殿承天門之東曰雲臺門北

入恭禮門又北入虔化門則宮內也承天門之西曰

廣運門永安門北入安仁門兩儀殿之東曰萬春殿

又北入肅章門則宮內也

西曰千秋殿兩儀之左曰獻春門右曰宜秋門宜秋

之右曰百福門其內曰百福殿百福之西曰承慶門

內曰承慶殿獻春之左曰立政門其內曰立政殿立

政之東曰大吉門其內曰大吉殿兩儀之北曰甘露門其內曰甘露殿左曰神龍門其內曰神龍殿右曰安仁門其內曰安仁殿又有興仁宣猷崇道憲訓昭德安禮正禮宣光通福光昭嘉猷華光暉儀壽安綏福等門薰風就日翔鳳咸池臨照望仙鶴羽乘龍等殿凌煙翔鳳等閣舊史正門曰承天正殿曰太極太極之後殿曰兩儀內則殿亭館三十六所凝暉凌煙閣在焉會要武德元年五月二十一日改隋大興殿爲太極殿昭陽門爲順天門神龍元年二月改爲承天門景雲元年十月二十一日以景大內爲太

極宮 長安志當正殿曰承天門內卽朝堂東有肺石西有登聞鼓門下省在左延明門東南中書省在右延明門西南省內有舍人院洪文館在門下省東史館在門下省 雍錄由承天門南至朱雀門北是爲宮城之內

唐大明宮東內 蓬萊宮 含元宮 永安

宮

地理志上都大明宮在禁苑東南南接京城之北面西接京城之東北隅長千八百步廣千八十步曰東內本永安宮貞觀八年十月置又鳳翔麟游西三十里有永安宮貞觀八

年置會要長安二年六月於九年正月改曰大明宮

宮以備太上皇清暑百官獻貲以助役高宗厭西宮

湫濕龍朔二年始大興葺六月改曰蓬萊宮紀龍朔二年四月

月辛巳作蓬萊宮三年二月丙戌減百官一月倖荒會要三年四月

移仗就蓬萊宮新作含元殿咸亨元年改曰含元宮

始御紫宸殿聽政百官奉賀咸亨元年改曰含元宮

年三月丁丑改蓬萊宮為含元殿長安元年戊寅

改為大明宮又立宗開元二年六月甲子以太上皇

月丁未上皇自開遠門入大明宮肅宗至德二載十一

姓德宗貞元三年初作元英門觀於大明宮北垣

六典大明宮在禁苑之東南西接宮城之東北隅

南面五門正南曰丹鳳門東曰望仙門次曰延政門

西曰建福門次曰興安門

南當皇城之版夏門舊京城人苑之北門開皇三年

開餘四門與宮同置李

華合元殿丹鳳門內正殿

曰含元殿

殿即龍首山之東趾也階上高於平地四十餘尺南去丹鳳門四百餘步東西廣五

百步元正冬至

夾殿兩閣左曰翔鸞閣右曰栖鳳閣

於此聽朝也

與殿飛廊相接夾殿東有通乾門西有觀象門閣下

即朝堂肺石登聞鼓如承天之制

其北曰宣政門門外東廊曰齊德門西廊

曰興禮門內曰宣政殿

宣政左右有中書門下二省弘文史一館

左黃閣而右紫微

殿前東廟曰日華門門東門下省

省東南南北街南直含耀門出昭訓門宣政殿前西廊

日月華門門西中書省省西南南北街南直昭慶門出

光範門宣政之左曰東上閣右曰西上閣次西曰延

英門其內之左曰延英殿右曰含象殿宣政北曰紫

宸門其內曰紫宸殿

即內朝正殿也

殿之南面紫宸門左曰

崇明門右曰光順門殿之東曰左銀臺門西曰右銀

臺門次北曰九仙門殿之北面曰元武門左曰銀漢

門右曰青霄門其內又有麟德凝霜承歡長安仙居

拾翠碧羽金鸞蓬萊含涼珠境三清含冰水香紫蘭

等殿元武明義大角等觀鬱儀結鄰承雲修文等閣

也 禮樂志唐初鐘磬凡三十六簠蓬萊宮成增用

七十二簠

賈會為萬年主簿護役蓬萊宮

五行志含

元路寢大朝會之所御也

餘見殿門

鄭后傳宣宗卽

位奉養大明宮

契苾何力傳龍朔初司稼少卿梁

修仁新作大明宮初植白楊更植以桐

長安志大

明宮高宗命司農少卿梁孝仁制造北據高原南望

爽塏

孫樵有大明宮賦

李華含元殿賦建北宮

之尊嚴上取法於天帝圖正殿之迺居規崇山而定
制因以鴻稱含元建名易乾坤之說曰含弘光大又
曰元亨利貞括萬象以爲尊特巍巍乎上京懸象著
明帝坐維三皇居設位俯察仰參翼室正中游宮次
南乃起含元其容耽耽總而言之如山之壽則曰蓬

萊如日之昇則曰大明頌曰帝作含元含元言言萃
若日觀呀爲天門

唐洛陽宮

地理志東都隋置

大業元年移都

武德四年廢正觀六年號

洛陽宮

太宗之幸者十六高宗之幸者十四

顯慶二年

十二月丁卯

曰東都

光宅元年

九月甲寅

曰神都

宮名太初

神龍元年復曰東都天

寶元年曰東京上元二年罷京肅宗元年

一本云寶應

復

爲東都皇城長千八百一十七步廣千三百七十八

步周四千九百三十步其崇三丈七尺曲折以象南

宮垣名曰太微城宮城在皇城北長千六百二十步

廣八百有五步周四千九百二十有一步其崇四丈

八尺以象北辰藩衛名曰紫微城武后號太初宮都

城前直伊闕後據邙山左瀍右澗洛水貫其中以象

河漢東西五千六百一十步南北五千四百七十步

西連苑北自京城而東二千五百四十步周一萬五

千五十步其崇丈有八尺武后號曰金城紀太宗

貞觀四年六月乙卯發卒治洛陽宮十一年二月甲

子三月癸丑

一本又云丙午宴從官

十一月丙午皆如洛陽宮

十五年正月辛巳十月壬辰十八年十月甲寅皆如

洛陽宮十九年二月庚戌如洛陽宮以伐高麗

初太宗爲

秦王建德世充平置酒大會洛陽宮論郭孝恪之高
功又召張儉見洛陽宮論遼西山川險易見各傳高
宗顯慶二年閏正月壬寅七月丁亥十二月乙卯並
如洛陽宮丁卯以洛陽宮爲東都四年閏十月戊寅
五年四月癸巳十二月己卯麟德二年二月壬午咸
亨二年正月乙巳十二月丙戌儀鳳元年三月甲辰
調露元年正月戊子永隆元年二月乙丑八月丁未
永淳元年四月丙寅弘道元年四月己未十一月丁
未並如東都 傳張元素貞觀四年發卒治洛陽宮
乾元殿且東幸元素上書諫曰陛下初平東都之始
層樓廣殿皆令撤毀豈有初則惡其侈靡今乃襲其

彫麗帝顧房立齡曰洛陽朝貢天下中朕營之意欲

便四方百姓今元素言如此後雖露坐容何苦耶詔

罷役

皇甫德參亦諫

竇璡為將作大匠修洛陽宮鑿池起

山務極浮侈費不勝算太宗怒詔毀之免其官

確為少匠護作九成洛陽宮以幹力稱謝偃太宗

辛東都穀洛壤洛陽宮詔求直言偃上書陳得失十

年七月

會要武德四年十二月七日使行臺僕射屈

突通焚乾元殿應天門紫微觀以其太奢

薛收傳秦玉入洛觀

隋宮室收進曰峻字雕墻殷以亡土階茅茨堯以昌阿房興秦禍速露臺罷漢祚永王重其言正觀

三年太宗將修洛陽宮戴胄諫

云云

上嘉之四年六

月二十四日又修洛陽宮張元素諫云云即停之

舊紀貞觀十一年三月丙申改洛州為洛陽宮六典正觀

六年改洛陽宮十二年車駕始幸洛陽六典皇宮在皇城之北東西四里

南北二里周回十三里南面三門中曰應天左曰興教右曰光

政應天門端門若西京承天門其內曰乾元門若太極門東西廊有左右延福門

興教之內曰會昌章善光政之內曰廣運明福乾元

之左曰萬春右曰千秋其內曰乾元殿即明堂也證聖元年所造

上圓下方八窗四闕高三百尺殿之左曰春暉門右曰秋景門北曰

燭龍門明福之東曰武成門其內曰武成殿明福之

西曰崇賢門其內曰集賢殿武成之北曰長壽殿集

賢之北曰仙居殿東曰億歲殿又東曰周明殿西北
出曰洛城西門其內曰德昌殿北曰儀鸞殿南出曰
延慶門又南曰韶暉門西南曰洛城南門其內曰洛
城殿又北曰飲羽殿

洛城南門之西有麗景夾城自此溝通於上陽焉

會

要顯慶元年敕田仁汪因舊餘趾修乾元殿麟德二
年三月十二日殿成天寶二年正月二十八日築神

都羅城號曰金城永泰元年十二月修東都宮殿

舊紀

云修洛陽宮

韋弘機傳高宗嘗言兩都我東西宅然因

隋宮室日仆不葺乃語弘機兼將作少府二宮督營

繕

李林甫謂二都帝東西宮

褚無量傳內府舊書無量建請繕

錄補第以廣祕籍開元七年五月

六典開元五年

天子詔於

東都乾元殿東箱部彙整比無量爲之使

無量整比四部書成

上令百姓官人入乾元殿東廊觀書無不驚歎

官志開元十二年東都明

福門外亦置麗正書院

洛陽宮記

胡交修

禹因山川分畫九州大河之南厥土

爲豫考極相方實處天下之中風雨所會陰陽所和

而冲氣鍾焉其川河洛圖書之淵珍符是興其鎮嵩

高孕秀生賢神靈是宅其浸瀝澗伊水之利環流灌

漑壤沃物豐其地廣衍平夷洞達萬方輻湊朝覲貢

賦道理均焉奠位宅中茲實帝王之居也高祖太宗